

10.05.1985

Duchowny rada Jurij Herman zemrěł	Pfarrer Georg Hermann gestorben
--	--

Pjatk 10. meje 1985 zemrě nahle knjez duchowny rada Jurij Herman na swojim wuměnk w Radworju, na kotryž bě so hakle 18. januara tutoho lěta podał, po tym, zo bě k 15.12.1984 ze strowotnych přičin faru we Njebjelčicach spuścił. Knjez Jurij Herman je w lětach 1956 do 1963 w Radworju jako kapłan skutkował a bě z Radworskim fararjom w lětach 1968-1976. Za swoje skutkowanje a za swoju službu je wosebite wotpowědne čłowjeske kmanosće měł, je zamóhl z ludźimi wobchadžeć, z nimi so rozmoŕweć, je so starał wo dušine zbožo swojich wosadnych, je zdokonjał wosady w duchu přezjednoty nawjedować. Jako młodźinski kapłan njeje ze swojim hudźbnym talentom a wjesolej powahu jenož młodych zahorjał, ale bě w Radworskej wosadze pola wšěch generacijow woblubowany. Tež hdyž jako farar zaso do Radworja přińdže, běchu jeho čłowjeska powaha, jednorosć a towaršliwosć za njeho charakteristiske. Wutoru, dnja 14.05.1985 bu duchowny rada Jurij Herman na Radworskim pohrjebnišću z jara wulkim přewodom pochowany. Njebjelčanski cyrkwinski chór spěwaše swojemu poslednjemu fararjej a knjez biskop Gerhard Schaffran měješe swjatočny rekwiem w Radworskej farskej cyrkwi. Njech wotpočuje w měrje na pohrjebnišću Radworskim, w nadźiji na zrowastanje.

[start.....1985](#)

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=10.05.1985_pfarrer_hermann_stirbt&rev=1764018462

Last update: **2025/11/24 21:07**

